

CLASICO CICLISMO JOSE LA VEIST



ORANJESTAD (AAN): Federacion di Ciclismo Arubano a organiza recientemente un careda di ciclismo cual a hiba number di "Clasico Joe Laveist" pa asina honra e persona aki kende a traha duro den pasado pa e deporte di ciclismo tempo cu esaki tabatin su facilidad den e antes jama Lago Sport Park.

E careda aki lo bay wordu organiza anualmente danki na cooperacion di ASU kende a pone un bunita wisel-beker disponibel pa e ganador.

Start di e careda aki tabata dilanti Kukwisa School na Pos CHiquito pasando den practicamente tur districto di Aruba pa bin finaliza di-

lanti di Josiah(Joe)Sport Park.

E careda mes tabatin un start bastante trankil teniendo cuenta cu e distancia cu mester a wordu recorri.

Faltando mas o menos 25 kilometer pa core y cu e peloton completo ainda e coredor di Club Ciclismo Barcadera, Reinaldo Mackintosh, a lanza un atake barbaro riba cual e dos tenorman di ciclismo actualmente Gert van Vliet y Lucien Dirksz no tabatin contesta inmediatamente y asina a logra escapa y te hasta a logra di tuma un ventaha di mei minuut.

Faltando 2 kilometer mas pa bay tabata Gert van Vliet kende a logra di escapa for di Lucien Dirksz, ya cu e dos ultimonan aki tabata den un persecusion tras di e lider di careda na momentonan cu esta Reinaldo Mackintosh, a logra gara e lider y den un rush a sigui dilanti y yega final su so.

Mientras tanto Reinaldo Mackintosh a sa di mantene

e di dos puesto yegando algun seconde prome cu Lucien Dirksz.

Den categoria Juvenil tambe tabatin un bataya entre e dos pedalistanan di Club di Ciclismo Barcadera y e coredor di Trek Tri Bike Team Aruba, Angel Jr Flanegin y Aldrick Maduro, Aldrick Maduro den un sprint final a resulta ganador.

E resultadonan ta como siguiente:

Categoria Amateur: 1. Gert van Vliet(T.B.T.A.) 2. Reinaldo Mackintosh(C.C.B.) 3. Lucien Dirksz(C.C.P.P.)

Categoria Juvenil: 1. Aldrick Maduro(T.B.T.A.), 2. Angel Jr. Flanegin(C.C.B.), 3. Andrew Dekker(T.B.T.A.).

Federacion di Ciclismo Arubano kier a gradici Aruba Sport Unie pa pone e trofeonan disponibel pa e careda aki y Witco N.V. cu a pone malta pa e coredorman, y na tur voluntarionan cu a coopera un biaha mas durante careda danki.